



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

16. Ide[m] ex sermone, & alijs co[n]ijcitur.

[urn:nbn:de:hbz:466:1-47032](https://nbn-resolving.de/urn:nbn:de:hbz:466:1-47032)

C A P V T XVI.

Alia in sermone & alijs unde non dissimilis conjectura capi possit.

An libenter verborum abiectionibus in speciem, quam cum ijs qui gene-
re, auctoritate, opinione, scientia, vel forma honestiore, & ad reuerentiam
conciliandam aptiore sunt praediti?

Investitu corporis culta, & ceteris omnibus an malo viliora, magis trita, &
quibus quasi praे reliquis negligi videar?

An facile in conuersatione offendor, meis propensionibus obsecundari cu-
pio, à communi consortio me subduco, nec mihi placent, nisi quæ meis rationi-
bus consonant? solet autem id, ex quadam naturæ morositate, & iudicij proprij
vi exoriri: horum autem radix, vel superbia, vel excellentiae ac sui nimius
amor.

Sialicuius commodi, relaxationis, laetiorum epularum, iucundiorum spe-
ctaculorum, vel alterius oblationis recordatio vel expectatio mentem incur-
set, an contristor, an quantum sine affectationis opinione possum, & ratio suadet,
declino & subterfugio? Hoc faciet, qui crucem indefessus amat, nec sibi
quam remissiones optabit. Docebit tamen prudens discretio, admittere
moderatè oblatas, nec ultra quam vires ferant tendere?

An non interdū rerum exitu secundo vanè efforor, delector, exulto? & con-
trà deiector, indignor aduersis, spe frustratus anno concido, nimiumq[ue] rerum
euuentu moueor? cum tamen id mihi solum curæ esse deberet, ut quod mei mu-
neris est, diligenter pro meo modalo prestat, ceterum euuentum, diuinæ prouid-
entiae absque solicitudine committam.

Si quid feciùs quam optaueram factum sit, & is error vel nullius culpa conti-
gerit, vel sic perpetratus iam sit, ut retractationi, vel emendationi non sit relictus
locus: an conqueror, an grauius mœ: eo, an fortè lamentor meam, & saepius
eadem, vel sermone, vel cogitatione querelas repeto? Cùn enim corrigen-
dæ aberrationis facultas deest, animi est nimium ad quamvis asperitatem
crucis externati, non posse leuius ferendo reddere, quod iam nefas est cor-
rigi.

An non superbus, liber, audax est oculus, & rerum quas vider censor?

An non aliorum laudibus interdū inuideo, eas minuo & infringo? etenim
id fit ex amore laudis quo ipse teneor.

An sum durus, terricus, mordax & derisor? id enim non sit nisi ex aliquo alio-
rum contemptu, & minore vel nulla veneratione.

An



An non clamosus, contentiosus & loquacior sum? ambages longas intexo, interrumpinolo, & alios ipse səpiùs interrumpo? est hic error in humana vita valdè indecorus, conuertudine confirmatur; at exoritur è vitiosissima radice. primò quod alios parui duco: nec enim sic Principi, aut præcellentissimo viro loquerer. tum quòd alios loquentes, à me statim satis, vix ore aperto intelligi credo, me verò ne longo quidem sermone contexto, ab illorum tardissimo ingenio capi posse, nisi ad fastidium repetendo iuiculcem: accedit nimius ad loquendum & differendum affectus, ac mei tacita quædam vel admiratio vel suspicio; nimius item ad id quod proposui confirmandum, & mea cœpta persequenda ardor.

An comtiorem, affectatiorem, elegantiorem, magnificum, vel turgentem sermonem usurpo? licet enim significantem, non neglectum, & proprium esse debeat, nouitatis tamen & iactantiae tumorisque notam, à Religioso caueri oportet.

An contemtim alios alloquor, & in verbis audaciam præfero?

Nonne subinde in sermonem infero, vel in ferrī gaudeo illa ex quibus mentio fiat eorum quæ à me laudabiliter aliquando gesta sunt?

An non libentius de ijs loquor, in quibus petitiam aliquam ostentare possum? de ijs verò rebus, quas minus capio, graue mihi est omne colloquium: Itaque occasionem capto ea dicendi, & in ea deuoluendi vnde mihi opinionem conciliem; poëtica, historica, Græca, Hebræa, Theologica, & alia in medium profeo, vnde dicitur, Vir ille doctus est! nec dissimulare scientiam possum. Quanto satius foret, si nihil umquam è sermocinatione, aut rarius aut doctius, nisi necessitate ad gente erumperet?

Si qui ad me proprius attinent, & honorariore officio funguntur, an non sermoni, qui de illis habeatur, id intersero, sic vt inde in me aliquid redundet: exempli gratia, pater, patruus, frater, aut cognatus meus Consiliarius, Piætor, Praeses, Consul, Comes, Abbas, Episcopus, aut alia dignitate prædictus: possem enim, (& magis ex humilitate fore) vel dignitatem missam facere, dicendo, Pater, frater, cognatus; vel ipsam præterire cognitionem, solummodo dicendo, Episcopus, Albas, Prator ille id egit, cixv, age aut iubere potest. Sed & nonne ex aduerso, si quid in eis minus honorificum fuerit, caueo ne in me redundare videatur? & non dicunt, Cognatus ille meus futor, cerdo, vilis opifex: at omissa cognitionis mentione, suo tantum illos nomine designo?

Re vera, si deposita omni simulatione, quod res est agnosco, nonne in his omnibus, nonne in plurimis alijs aut latentis, aut palam extantis superbiae me reum deprehendo? ô Domine mi & humillime Iesu, quid me posuisti contrarium tibi: Ecce in vanitate conceptus sum, ex superbia & tumore coagmentatus: opera mea omnia, & cogitatus omnes, vel infecti, vel ex hoc monstruo

sunt enati. Ecce, in ipsa mea humilitate, virulentos superbiae afflatus sentio, & quidquid ego, vel eius radicibus inseritur, vel fibris impletatur: nec est qui me inde liberet, nisi tu Domine qui solus potens es. Quando extricare me conor, magis inductor, & ad me, ac in me semper relabens, modò à me ipso, modò ab alijs, modò à te ipso, sed aliter quam debeo, gloriam quero; humilitatem, virtutem omnem, ipsum etiam quodammodo Deum meum, vanitati meae servire cogo, unde cumque gloriolam captans. O pes superbiae, quam multus te innotior! & scio per te corruius, quicunque operantur & operati sunt iniquitatem! cur ergo ijs dementor blanditijs, quas pernicie plenas scio? Cur, nisi quod malè me amans, mihi præfidens, à me totus abire, in Deum meum totus ire & transfundiri nescio?

C A P V T XVII.

Sanctioris desiderij paradigm.

Vtinam nunc demum, Domine mi Iesu, exemplo tuo pro docente formam tuam induar, omnibusque penitus despatis, mea & rerum omnium, & maximè existimationis contemtione, atque crucis perpassione delecer. Ira cupio, meque ex hoc tempore, talem ubi, talem omnibus exhibere conabor. Paupertas, humilitas, ignominia, contumelie, & quæcumque vitæ asperitas, in delicijs erunt. Quid rerum mihi in terris exoptem? omnia mihi pro Christo meo detrimenta in luctis reponam, si quo pacto non indignus illo reperiatur. Istorum omnium, omne desiderium & affectum depono; amoremque Christi pauperis & humiliis, summa paupertate & humilitate probare desidero. Cibi, potu, victus curam omnem exuo: attrita & lacera ueste gaudebo: mittar utinam in regiones eas vbi à latronibus despolier, verberibus onerer, plagiis conficiar, frigore contrahar, nudus æstu torrear, inedia, siti, rerum omnium egestate dispeream: & tu hac tua, Iesu Christe, imitatione lætabor. Ecce pro eo, quem nunc mihi largiter infundis, affectu, dura, molesta & aspera queuis, in tuinominis gloriam, unde cumque expeto. Irruant in me dolores quiuis, non sit à planta pedis ad verticem capitis in me sanitas, & pariter onus in me morborum genus deserviat, secat vermis purulenta caro, articuli omnes proprio sibi dolore vrantur, colicis & calculorum angoribus crucier, quies & somnus ab oculis fugiat, eosque caligo & cæcitas contegit, lingua obmutescat, obsurdescant aures, nares grauis polypus occupet, distendatur doloribus diffissum caput, cor palpitet, anhelet pulmo, iecur aduratur, lapides cant renes, totius denique naturæ compage vel disoluta, vel euersa, da, Domine Iesu, ut me tibi, vere virum dolorum, & infirmitatum scientem, ad aliquam tui imitationem offerre possim.

Ecce

